



partii naleraq

Nuuk, ulloq. 5. Maj 2020

Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisunut apequt imaattoq saqqummiuppara:

Naalackersuisunut apequt:

- 1. Nunatsinni Kommuunit ingerlatseqatigiiffiliornermikkut eqqakkanik isumaginninnerup ingerlanneqarnissaanut pilersaarusiornikuusut tusartarnikuuvarput, kisianni ukuni kingullerni avannaata kommuuniata peqataajumajunnaarnerata kingorna qanoq ingerlariaqqittoqarnersoq Naalackersuisut paasissutissiissutigisinnaanerlugu ?**

(Inatsisartunut ilaasorta, Jens Napãtôq, partii naleraq)

Tungavilersuut:

Nunatsinni inoqarfinni tamani suli eqqagassalerineq aammalumi inoqarfippassuarni unnukkut eqqagassanik taaneqartartut ajornartorsiutaanerat annertoqaaq, taakkualu naalackersuinikkut malinnaaffigineqaqqissaarnissaat aaqqiiffiginissaallu pisariaqarluinnarput.

Taamammat qujanassaqaq eqqagassalerinikkut maannakkut nunatsinni killiffiusoq pillugu Naalackersuisut paasissutissiissinnaassappata.

Ullut suliffiit qulit qaangiutinnginnerani akineqarnissara kissaatingaara.